

access

Mied d'instrucziun da romontsch
per la scola populara dalla Surselva



6

Ortografia



**Mied d'instrucziun da romontsch
per la scola populara dalla Surselva**

Ortografia dalla 6. classa

Autur Christoffel Nay

Illustratura Nadia Cathomas-Sgier

Grafica frontispezi Grafikdeal

Transcripziun en InDesign Gion Tenner, Sandro Tomaschett

Programmaziun pagina Marc Thoma
d'internet e concepziun Moodle

Sustegn linguistic e lectorat Alexi Decurtins

Ulteriuras lavurs da tut gener Ils commembers da suprastanza ed il secretariat
PRO IDIOMS SURSELVA

Responsabel general per Adrian Cathomas
l'informatica e per Moodle

Menader general dil project Francesc Friborg

Dretgs d'autur PRO IDIOMS SURSELVA

Da retrer www.access.ac

Contact surselva@access.ac

Fotografias frontispezi Motiv: Scolara dalla 6. classa / Val Plattas
Fotograf: Gion Tenner



Cuntegn ortografia

Plaids che semeglian in l'auter	4
La midada dil vocal.....	8
Il verb.....	9
Ils accents	10
Cu nus scrivin grond	12
gl dir ni lom.....	18
Repetiziun	20



Ei dat plaids che semeglian in l'auter, mo sedistinguan en pronunzia, ortografia e senn (enzacons exempels)

il von – il vonn

il pégn – il pègn

la posa – la possa

la casa – la cassa

il salid – il salit


la sigir – segir

vit – vid

dat – dad



car – il carr



buca – la bucca

il mun – il munt – il mund

il pér – il pèr – per

Fai diever dil vocabulari! Leu anflas las explicaziuns dils plaids!

Pensum: Cumplete scha las construcziuns cun agid dils plaids dalla tabella!

1. Ils _____ schurmegan ils mauns encunter la ferdaglia.
2. Pigl alpinist blessau ei l'arrivada dil helicopter stau siu _____.
3. Sil crest sur il vitg stattan bialas _____ da vacanzas.
4. Miu padrin Pieder e miu bab ein aschi dalla medema _____.
5. Il vitg da Trun schai el _____ dalla val.
6. Enstagl daners dat el si'ura sco _____.
7. Nus scolars paghein mintga meins ina pintga summa en nossa _____ da viadi.
8. In proverbi di: oz en _____, damaun en fossa.
9. Ei _____ situaziuns nua ch'ei tucca _____ agir immediatamein.
10. Gl'igniv sut nies tetg era in di _____ e bandunaus.
11. La _____ ei in uaffen fetg _____.
12. Fai _____ quitaus e pren buca il _____ si dies!
13. In _____ ein gia curdai dil pirer.
14. Ils luvrers pendan differents _____ da viafier vid la locomotiva dil tren.
15. La brev finescha cun cordials ni sincers _____.
16. La mumma va en stizun _____ paun e latg.
17. Il pur ha buca grond plascher, sch' ei dat sin siu prau memia biars _____ talpa.
18. Tschontscha mai cun _____ pleina!
19. Suenter il stemprau ei in _____ sederschius sin la via da cuolm.
20. Nus cartein franc e _____ ch'igl alpinist tuorni saunamein a casa.

car	pèr	mun	pègn	salid
von	posa	salit	vonn	casa
pégn	dat	sigir	possa	cassa
dad	malsegir	pèr	vit	buca
mund	bucca	pér	carr	

Ils suandonts plaids han pliras muntadas:

la tschera – la costa – la nav – la cruna – gl'accord – l'enzenna – la roda – l'unfrenda – la feglia – il pass – il cussegli – igl artechel

Pensum: *Tschenta ils plaids correctamein ella largia!*

1. Il scolast tschenta ils cudischs sin _____.
2. Silla _____ dalla vart sulegliva ei la neiv gia naven.
3. Tgi vegn en _____ da schubergiar las tablas?
4. Vid ils mirs dalla _____ da nossa baselgia pendar custeivels maletgs.
5. Il tiaratriembel en China ha caschunau numerusas _____.
6. Tgei _____ stuein nus dar si per quella neiv bletscha?
7. L' _____ da damonda ei in segn d'interpuncziun.
8. Il giugadur da ballapei ei ruclaus ed ha rut en ina _____.
9. Miu frar fa si ina _____ sc' ina vischnaunca barschada.
10. En tgei _____ eis ti naschius?
11. Dumengia proxima vegn priu si in' _____ pils orfens.
12. Il scolast va buca d' _____ cun quella risposta.
13. Oz, duront l'ura da gimnastica vein nus exercitau la _____ vid il rec.
14. Tell ei siglius ord la _____ e svanius egl uaul.
15. Pli baul purtava il retg dalla tiara ina _____ sin tgau.
16. Igl _____ dalla canzun ei buca schubers!
17. Davon mintga substantiv stat savens in _____.
18. Il _____ Lucmagn meina nus el Tessin.
19. Il _____ da vischnaunca seraduna tier ina sesida extraordinaria.
20. Gl'atun ei la _____ dil triembel melna sco aur.
21. Nus dumandein nies scolast per plaid e _____.
22. Cun _____ segirs camina igl alpinist viers il cuolm.
23. La _____ da mi'onda ei mia cusrina.
24. Calzers da viandar ein in _____ che vegn vendius fetg savens.

el cuora	—	nus currin
el siara	—	nus serrein
curclar	—	el cuarcla
el stat	—	els stattan
el dat	—	els dattan
cuzzar	—	ei cuoza
tuccar	—	nus tuchein
sluccar	—	nus sluchein
sfraccar	—	nus sfrachein
smaccar	—	nus smachein
better	—	el ha bess
metter	—	el ha mess
la trufla	—	il truffel
la cufla	—	il cuffel
la sufla	—	il suffel
La Svizra	—	il Svizzer

Dictat:

Smanatscha in stemprau currin nus immediat en casa e serrein escha e finiastras. Il bia cuoza quella malaura buca ton ditg. Igl urezi s'annunzia il pli savens cun in ferm suffel. Ils cavals stattan sin pastira e laian plover. Suenter ina calira gaudan els la plievgia. Plievgia cuzzonta slucca il terren. Ordlunder neschan lu sbuaus e bovas. Pli baul tuccava ei da stuornas da gronda malaura. Ozildi tuchein nus buca ils zenns per derasar informaziuns. Auters mieds vegnan mess a disposiziun.

Da grondas nevadas smanatschan lavinas. Il suffel els autls fuorma cuflaus ed ordlunder neschan lavinas. Quellas sfraccan a val e derasan tema e sgarschur.

Pensum: *Prepara quei text per in dictat da circuit!*



Ei setracta savens d'ina sempla midada dil vocal. Enquera in plaid ord la medema famiglia da plaids! (substantiv, verb ni adjектив)!

		<i>substantiv</i>	<i>verb</i>	<i>adjектив</i>
1.	il fem	la fimera		
2.	il petg			
3.	la plonta			
4.	la pleiv			
5.	il laud			
6.	la tiara			
7.	la meisa			
8.	il maun			
9.	la meila			
10.	la faulda			
11.	la faultsch			
12.	il pirer			
13.	il sault			
14.	il clom			
15.	il cumpogn			
16.	trest			
17.	plauen			
18.	biala			
19.	nizeivel			
20.	terrester			

1. Verbs impersunals:

cuzzar:	ei _____
vanzar:	ei _____
capitar:	ei _____
digrar:	ei _____
never	ei _____
smuschignar:	ei _____



2. Verbs irregulars:

a) consonanza dubla el plural!

sittar:	jeu _____
cuorer:	jeu _____
stuppar:	jeu _____
serrar:	jeu _____

nus _____
nus _____
nus _____
nus _____

b) g ni gh / c ni ch

rugar:	jeu _____
marcar	jeu _____

els _____
els _____

c) 3. persuna el plural ha consonanza dubla!

dar:	el _____
star:	el _____

els _____
els _____

d) senza i ell' emprema persuna singular e plural

zambergiar:	jeu _____
malegiar:	jeu _____

nus _____
nus _____

Pensum: Fuorma cun mintga verb ina construcziun!

Il lungatg da scartira enconuscha treis accents:

- | | | |
|------------------------------|----------------------------|--------------------|
| a) Igl accent lev (é) | il pér, il spért, il fussé | (in e serrau) |
| b) Igl accent grev (è,à, ò) | il pèr, il vallà, il totò | (in e ni o aviert) |
| c) Igl accent circumflex (î) | che nus vegnîen | |

1. Igl accent lev ed igl accent grev

a) *Medema scripziun, differenta pronunzia e muntada!*

il péz	(die Spitze)	il pèz	(die Brust)
il pégn	(die Tanne)	il pègn	(das Pfand)
la pédra	(die Wanze)	la pèdra	(der Edelstein)
il pér	(die Birne)	il pèr	(das Paar)
il létg	(der Schleck)	la lètg	(die Ehe)
il caffè	(der Kaffee)	il caffé	(das Kaffeehaus)

b) *Sch'ils plaids appartegnan a differentas specias da plaids, tschentein nus mo sin in igl accent:*


il spért	(der Geist)	spert	(schnell)
detg	(gesagt)	dètg	(tüchtig)
pér	(erst)	per	(für)
igl èr	(der Acker)	er	(auch)

c) *Igl accent lev ni grev duvrein nus era per accentuar la silba:*

il fussé	il vallà	il canapè (é)
il caffè (é)	igl otgà	juhè
il schualà	il cumà	en in gienà
il buntadé		

2. Igl accent circumflex vegn duvraus per indicar igl i liung alla finiziun dil conjunctiv:

finir	che nus finîen
vegnir	che nus vegnîen
scriver	che nus scrivîen
viver	che nus vivîen



Pensum: Cumpletecha las construcziuns cun agid dils plaids dalla tabella!

- Ils _____ da graun ein bunamein svani da nossa cultira.
- Il _____ d'untgida sedosta encuter mintga stemprau.
- La _____ da nies pirer ei dultscha e savurusa.
- Il scolast manegia che nus _____ segiramein il pensum entochen pausa.
- Pli baul buentavan ils purs lur animals al _____.
- Il tgaun suonda siu patrun sc'in _____.
- Il _____ dil flum astga buca vegnir devastaus ni destruius.
- La _____ digl ani da mia mumma ei fetg custeivla.
- Star _____ vul dir star buns per ina caussa.
- Gl'unviern proxim cumprel jeu in _____ skis novs.
- Il bab manegia che nus _____ segiramein memia tard, sch'ei regi sin via in tal traffic.
- Suenter gentar fa nies bab in cuort cupid sin _____.

finîen	buntadé	èr	canapè
totò	letg	pégn	pèdra
péra	pèr	vegnîen	pègn

Dictat: Prepara quei dictat sco dictat da partenari.

- Il bab ei dil meini che nus temîen forsa da durmir persuls si mises (cuolm)
- En in gienà ei il cavriel svanius egl uaul.
- Jeu drovel in pèr calzers novs per ir a viandar.
- La mumma ei dil meini che nus vegnîen ad uras a scola, sche nus prendeien la via cuorta.
- Ozildi cumprein nus mo pli pérs electrics da spargn.
- Il bostgè ha derschiu il pégn agl ur digl uaul.
- Suenter gentar beiban mes geniturs il bia in caffè.
- El vallà sur tegia pasculavan ier endamaun treis bials cavreuls.
- Il mèl d'aviuels ei fetg sanadeivels.
- La pèdra ei custeivla, la pédra denton nuscheivla.

1. Nums sempels

Igl ei enconuschent a ti che nus scrivin grond:

- all' entschatta dalla construcziun
- suenter in punct
- suenter in'enzenna d'exclamaziun ni da damonda.
- suenter il punct dubel
- all'entschatta d'in discours direct eav.



Plinavon scrivin nus grond:

a) Nums da persunas, da famiglia, d'animals e da caussas

Maria, Gieri, Dumeni, Casanova, Candinas, Sgier
Bello, Laica, Fido, Rivella, Coca Cola, Fiat, Subaru, Skoda

b) Nums geografics: beins, vitgs, marcaus, regiuns, cantuns, tiaras, alps, flums, lags mars etc.

Quadra, Tschebs, Con, Munt, Schlans, Mustér, Glion, la Surselva, il Grischun, la Svizra, la Frontscha, l'Europa, Nadels, Naustgel, Igl En, il Ticino, Il Lag Rivaun eav.

c) Nums da pievels

Ils Romontschs, ils Sursilvans, ils Grischuns, ils Svizzers, ils Austriacs, ils Chines etc.

d) Nums da fiastas e firaus religius

Daniev, Pastgas, Anceinza, Tschuncheismas, Nadal, Rogaziun federala eav.

Pensum: *Scriva grond nua ch'ei cunvegn e tschenta l'interpuncziun!*

In mail si da turitg

onda anna che habitescha a Turitg scriva : jeu giavischel a tuts in bi nadal co varga ei leusi ha sereina
gia entschiet a luvrar si caischavedra ei igl andriu staus giu cuera a cumprar in schenghetg pil bab e la

mumma ha ei dau empau neiv silllas vacanzas lu pon ils tessines sul lucmagn ils tudestgs van pli bu-gen ell' austria a far vacanzas leu ein ils prezis favoreivels ils swizzers passentan lur vacanzas en tiaras pli cauddas l' asia vegn favorisada da pastgas cu igl ei pli cauld vegn lu iu cun skis ils sursilvans fan las vacanzas d'unviern a casa entuorn pastgas fetsch ina viseta selegrel da veser vus puspei Per oz cor-dials salids onda anna

2. Nums cumponi

Nums cumponi secumponan da plirs elements

a) Nums cumponi da dus substantivs scriva grond!

Péz Mundaun, Val Schons, Val Sumvitg, Péz Russein, Via Alpu, Via Pustget eav.

b) Scriva grond ils plaids cumponi, sch'il substantiv fuorma la secunda part dil num!

Veder Testament, La Punt, Denter Auas, Sogn Benedetg, Sut Baselgia

c) Sch'il substantiv fuorma l'emprema part dil num, scriva mo quel grond!

Svizra franzosa, Engiadina bassa, Mar mediterrana, Alp dado,

d) Scriva grond tuttas titulaziuns

Cussegli da scola, Cumissiun da baghegiar, Calender da mintgadi,

Novitads ord la gasetta

Pensum: *Scriva grond nua ch'ei sedamonda!*

- Il cussegl da vischernaunca serimna gliendisdis proxim per sia emprema sesida d'atun. En quella sesida vegn la cumissiun da baghegiar eligida.
- Il chor da vallada lumnezia festivescha uonn il giubileum da 75 onns. Quella festivitat ha liug la fin da matg a vella.
- En val sogn pieder ei in alpinist sedisgraziaus grevamein ed ha stuiu vegrir transportaus culla rega el spital da glion.
- Vid il binari dalla viafier retica denter mustér e trun ston differentas reparaturas vegrir fatgas. Quei vegn a caschunar impediments da traffic.
- A trun ha la banca cantunala saviu retrer las novas localitads. La sonda vargada ein ellas vegnidias in-auguradas.
- En val russein vegn il lag da fermada sanaus. Il mir dil lag vegn alzaus e la capacitat d'energia augmentada. Ord quei motiv vegn la via naven dalla punt russein sanada.
- La camona dil terri ha puspei saviu augmentar il diember da frequenza. Il territori dalla greina ei in liug preferiu pils turists. Il plau della greina ei contonschibels da pliras varts: sul pass diesrut, neu dalla val sumvitg, sul pass dalla greina sco era naven dalla camona da medel.
- 2022 vul il grischun organisar giugs olimpics a tavau e sogn murezi. Ils votants grischuns vegnan a decider all'urna sur da quei eveniment. El mument van ils meinis pro e contra aunc fetg in ord l'auter.





Enconuschas la geografia dalla Surselva?

Naven dalla Val Tujetsch meina il _____ ad Ursera (Andermatt).

Tras la Val Lumnezia flessegia il _____.

Il pli ault cuolm dalla Surselva ei il _____.

En las duas vischnauncas sursilvanas da _____ e
_____ vegn plidau tudestg.

Il Pass dalla Lembra (Kistenpass) ei il cunfin denter _____ e
_____.

Il Rein anterier nescha ord il _____ al pei dil
_____.

Viandein nus naven da Sedrun tras la Val Strem, contonschein nus sur il
_____.

la Camona digl Etzli.

La _____ dumbra ussa mo pli sis enstagl siat vischnauncas.

Pensum: Scriva ils plaids da sligiaziun correctamein ella largia!

pass alpsu	val sogn pieder	lag da tuma	pass dallas cruschs
cadi	grischun	péz badus	péz tödi
glaruna	sursaissa	glogen	

Pensum: *Scriva grond quei che sedamonda!*

a) La stad ha il martin mussau a mi la cavorgia dalla ruinaulta. Giu la punt s'uneschan il rein anterius ed il rein posterius. Has era gia fatg bogn el lag la cauma? Suenter pastgas ei la sora serendida ella svizra taliana. Il parc naziunal sesanfla denter l'engiadina bassa e la val müstair. Ils scolars fan bugen excursiuns cun la viafier retica . La primavera vargada ein els schizun carrai cun la viafier federala sper il lag rivaun ora. Nos hospes da vacanzas visetan bugen las muntognas dil grischun. Ils tudestgs e hollandes entupein nus fetg savens, cunzun denter nadal e daniev. Biars svizzers passentan lur vacanzas alla mar mediterrana, en frontscha ni era ella grecia. Ils grecs ein loschs da lur cultura antica.

Il vischin murezi fa pli bugen politica. El ei commember dil cussegl grond da nies cantun. Igl onn vargau eis el vegnius eligius president dall'uniuon da catschadurs. Cons commembers dumbrä la regenza grischuna? Ella quotidiana hai jeu legiu ch'ils sursilvans hagien dominau la cuorsa da velo. Quella ha menau viers il pass lucmagn.

b) In telefon a casa

Il rest ch'ei a tavau en sesiun telefonescha ual alla mumma: „Jeu giavischel a vus tuts legreivlas fiaschas da nadal. Tgei fa il pign gion? E la gada, empen ella pulit en scola? Co vai cun igl aug clau e l'onda tina? Gie, nus vein cheu il hotel plein hospes, tudestgs, franzos, engles e perfin americans. Igl ei bien che jeu hagi empriu franzos ed engles! Il portier che lavura cun mei ei era in romontsch! In da mustér. Lu stei cun diu! Jeu scrivel aunc avon daniev!“

c) Scriva era cheu grond quei che sedamonda!

Il cussegl grond serimna gliendisdis proxim per sia emprema sessiun d'atun. Gio il secund di vegn el ad eleger las differentas cumissiuns e la dertgira cantunala.

La viafier retica ha obtenuigl onn vargau duas locomotivas novas culs numbs grischuna e curia.

Ella val sumvitg ha in orcan fatg la jamna vargada gronds donns vid baghetgs ed uaul.

Avon dus dis ei in turist engles sedisgraziaus mortalmein al péz durschin. Zacons alpinists turitges han anflau la bara e transportau quella a breil. Ilos americans ein setschentai igl onn 1969 sin la glina.

Scriva grond quei che sedamonda (sligiaziun a)

La stad ha il Martin mussau a mi la cavorgia dalla Ruinaulta. Giu La Punt s'uneschan il Rein anteriur ed il Rein posteriur. Has era gia fatg bogn el Lag la Cauma? Suenter Pastgas ei la sora serendida ella Svizra taliana. Il Parc naziunal sesanfla denter l'Engiadina bassa e la Val Müstair. Ils scolars fan bugen excursiuns cun la Viasfier retica. La primavera vargada ein els schizun carrai cun la Viasfier federala sper il Lag Rivaun ora.

Nos hospes da vacanzas viseten bugen las muntognas dil Grischun. Ils Tudestgs e Hollandes entupein nus fetg savens, cunzun denter Nadal e Daniev. Biars Svizzers passentan lur vacanzas alla Mar mediterrana, en Frontscha ni era ella Grecia. Ils Grecs ein loschs da lur cultura antica.

Il vischin Murezi fa pli bugen politica. El ei commember dil Cussegl grond da nies cantun. Igl onn vargau eis el vegnius eligius president dall'Uniun da catschadurs. Cons commembers dumbra la Regenza grischuna? Ella Quotidiana hai jeu legiu ch'ils Sursilvans hagien dominau la cuorsa da velo. Quella ha menau viers il Pass Lucmagn.

In telefon a casa (sligiaziun b)

Il Rest ch'ei a Tavau en sesiun telefonescha ual alla mumma: „Jeu giavischel a vus tats legreivlas fistas da Nadal. Tgei fa il pign Gion? E la Mengia, empren ella pulit en scola? Co vai cun igl aug Clau e l'onda Gada?

Gie, nus havein cheu il hotel plein hospes: Tudestgs, Franzos, Engles e perfin Americans. Igl ei bien che jeu hagi empriu franzos ed engles! Il portier che lavura cun mei ei era in Romontsch! In da Mustér. Lu stei cun Diu! Jeu scrivel aunc avon Daniev!“

Scriva era cheu grond quei che sedamonda! (sligiaziun c)

Il Cussegl grond serimna gliendisdis proxim per sia emprema sessiun d'atun. Già il secund di vegn el ad eleger las differentas cumissiuns e la Dertgira cantunala.

La Viasfier retica ha obteniu igl onn vargau duas locomotivas novas culs numbs Grischuna e Curia.

Ella Val Sumvitg ha in orcan fatg la jamna vargada gronds donns vid baghetgs ed uaul.

Avon dus dis ei in turist engles sedisgraziaus mortalmein al Péz Durschin. Zacons alpinists turitges han anflau la bara e transportau quella a Breil. Ils Americans ein setschentai igl onn 1969 sin la glina.

alla fin in «gl» lom:*Cumpletecha!*

il tagl	ils tagls		

suenter in «gl» lom amiez il plaid suonda in i:*Cumpletecha!**verbs:*

l'ureglia	las ureglias	siglir	el seglia

avon a, e, o, u tuna il «gl» dir*Cumpletecha!**verbs:*

l'orgla	las orglas	berglir	
		negligir	

1. Nus fagein il poet. Scriva in plaid che tuna semegliont!

battagl

vegls

canaglia

caveglia

caglia

seglia

2. Fai ina sempla rema!

Il scalin cun battagl

vilenta pur e cavagl

3. Ei maunca adina in plaid cun gl

Il cavalier enquera siu _____.

Sin pastira sesanfla in _____ per buentar il muvel.

Metta si capetscha, schiglioc suvegns ti mal las _____.

La mumma reparta la suppa els _____.

La meisa ei cuvretga cun ina custeivla _____ alva.

Egl asil vegnan ils carstgauns _____ tgirai cun bien quitau.

Il _____ fa ora la lenna e _____ ella en clavau.

Quei tè cauld fa bein al magun ed alla _____ che dola.

Mia sora ha schau tagliar giu ses bials _____ tschuors.



begliafumegltagliorscavegliabeglveglsurvegliastuagliacavegl



1. Pensum: *Enquera antonims (plaids cuntraris) che cuntegnan adina ina consonanza dubla!*

Fai diever dil vocabulari fundamental da A. Spescha!

1.	fallir	cc
2.	defender	tt/cc
3.	alzar	ss
4.	surpassadi	ss
5.	cussegliar	ss
6.	entrar en uffeci	ss
7.	spiarder	tt
8.	miserabel	ll
9.	il crest / tgiembel	pp
10.	calmar	rr
11.	lungurus	ss
12.	tup	ll
13.	optimist	ss
14.	activ	ss
15.	orient	cc
16.	fleivlezia	ss
17.	semnar	cc
18.	alzar	ss
19.	destruir	ff
20.	arver	rr
21.	reparar	cc
22.	stender	cc



2. Pensum: Noda ils sinonims! Els cuntegnan adina ina consonanza dubla.

Fai diever dil vocabulari fundamental da A. Spescha!

1.	tener tschelau	pp
2.	scurlar	cc
3.	dacheudenvi	ss
4.	persuna d'uffeci	ff
5.	industria d'jasters	ss
6.	miscalca	tt
7.	cumà	tt
8.	gartegiar	cc
9.	pigliar	ff
10.	sgurghigliar	ll
11.	ir el trot	tt
12.	mundan	rr
13.	giavisch	pp
14.	basta	ff
15.	reussida / gartetg	cc ss
16.	bugnar	zz
17.	il piez	tt
18.	tgeu	ss
19.	gallaria	nn
20.	sfendaglia	ss
21.	camona	tt
22.	inactiv	ss
23.	uorlar	pp
24.	ladinamein	mm

3. Pensum: *Apostrofescha nua ch'ei fa basegns!*

1. La aua ei in custeivel element. 2. La onda che arriva cul tren stat ina jamna tier nus. Tgisà, sche igl aug arriva la ura fixada? 3. Igl emprendist tegn la aissa encunter la preit. 4. Schegia che nies gat va a palandrond pil contuorn, la ura dalla tschavera enconuscha el exact e bein. 5. Muort impediments da traffic, arriva il vigiatur ina buna uriala avon temps sil parcadi. 6. La damaun da atun cuviera ina spessa brentina la cuntrada. 7. La scolasta manegia che la Annina fetschi segiramein progress, sche ella lavuri cuntinuadamein vinavon sco entochen ussa. 8. Duront che il pastur reparava la seiv, survigilava siu tgaun la muntanera.

4. Pensum: *cniq?*

1. ___ual da ___els ___untials ei tes? 2. Il pauper ___avrer ___uora tgei ch'el po suenter sia cauramenta. 3. Miu padrin ha ___umprau ___ei interessant cudisch per mei. 4. Nus mettein adina si ___uviarta sin nos cudischs. 5. Miu frar pign ha adina grondas ___ueidas cu el va en stizun cun nossa mumma. 6. ___uei alpinist ha gronda ___urascha d'ascender ___ei ault ___uolm. 7. Il bab en___uera la ___uittanza en truchet da siu pult. 8. La ___ualidad ei pli impurtonta che la ___uantidad. 9. Avon ___uendisch dis ha la mumma ___umprau in niev s___quitschader giu ___uera. 10. Nus en___rin nos carnets ed il scolast en___uera siu spieghel.

5. Pensum: *znic*

1. Pla___i less cumprar miu velo da muntogna, mo il pre___i ei memia aults.
2. Gl'entir meins da ___ercladur dat ei controlla dalla poli___ia. 3. Il poli___ist fa buca grondas ___eremonias. 4. Nus vein viu la ___irculara, ina nova lescha cun bia ___efras. 5. Nus stuein veser pre___isamein tgei ch'ei aunc passabel. 6. Mo cun exer___e___i contonschin nus in bien resultat. 7. Quei quoter cuntegn pre...isamein tschun de___iliters suc da ___itrona. 8. Tiu con___ept sur dil schurmetg digl uaul ha interessau tes conscolars. 9. Il con___ert dalla sonda targada ha carmalau in grond diember d'auditurs en casa da scola. 10. Per saver salvar plazzas da lavur en la regiun, eis ei impurtont da de___entralisar ils uffe ___is dil cantun.

6. Pensum: *Scriva grond!*

1. La sesida dil cussegl grond ei gest ida a fin. 2. La Higa ha carmalau biars visitaders ella capitala. 3. Numerus visetan la catedrala silla cuort. 4. Mintga grischun vegn inaga ni l'autra a cuera. 5. Cheu dat ei il globus ed il manor.

6. Savens aud'ins a plidar franzos ni engles sin via. 7. Era ils romontschs ein representai bein. 8. cuera ei gie la pli gronda vischnaunca romontscha dil grischun. 9. Il radio romontsch ha sia sedia a cuera. 10. A gion e mustér dat ei posts regiunals dil radio romontsch. 11. La ligia romontscha ha il pensum d' unir e risguardar tut ils romontschs da nies cantun. 12. Oz ei il romontsch periclitauς grondamein. 13. L'influenza dil tudestg ei gronda.



**7. Pensum:** *Enquera plaids ord la medema famiglia!*

	substantivs	verbs	adjectivs
1.			activ
2.		selegrar	
3.	la bassa		
4.		s'allontanar	
5.	la carezia		
6.		carrar	
7.	il disgust		
8.		fidar	
9.	la fermezia		
10.		sefidar	
11.	la frestgera		
12.	la gloria		
13.			grev
14.		engrondir	
15.	la harmonia		
16.		gustar	
17.			infinit
18.	gl'interess		
19.		interrumper	
20.	la largia		

- 8. Pensum:** El text suandont anflas ti 10 sbagls ortografics. Sutingescha els e scriva ils plaids correctamein ella tabella!

Puspei ella Greina (Ord il Cavalè dalla Greina da T. Halter, ed. 1997)

Onns ein vargai. Ins scriva igl annari 1881. Igl ei stad, stad avanzada che ha mes en verdur ils davos pastgets agl ur dalla neiv perpetna. Bia ei semidau el grond munt, dapi che Battesta Pasqual ei ius l'emprema ga culs cavals ella greina. Il teren alpin denter péz Terri e Péz Vial ha salvau siu aspect idillig d'antruras. Ella paliu sper la aua flureschan las orchideas selvatgas en cotschnur pompusa, ferton che ellas bleissas la flur steila alva leventa il smarvegl digl egl contemplond. Era ils cavals ein cheu, ils cavals e las nuorsas che gaudan igl arvadi savurus denter la paliu e la gonda. Mo il spaci ei schi vasts ch'ins strusch observa lur preschientscha

1.	2.
3.	4.
5.	6.
7.	8
9.	10.

- 9. Pensum:** El text suandont anflas di 10 sbagls ortografics. Sutlingescha els e scriva ils plaids correctamein ella tabella!

Ils luſs vegnan (Ord Culan da Crestaulta da T. Halter, ed. 1997)

El ei ual semenaus entuorn la cantunada che sbuca ella streglia da sia casa paterna, che ina umbriva setta cun tala vehemenza sper el vi ch' el ha tuta breigia da salvar la balontscha. El ha sentiu clar e bein il stausch d' in tgierp massiv a strihont sias combas. Sch'el fuss curdaus per tiara? El ha buca temps da patertgar pli anavon. Avon el stat in luf cun egls sbrinzlonts, pinaus per l'attaca perfida el dies. Omisdus ein surstai, mo Culan ei pli sperts che siu adversari. La mazza da ruver setschenta sila totona dalla bestia, avon che quella vegni da far in segl. In ratg d'agonia tradescha la fin digl animal scarpond. Mo las fridas da Culan crodan aunc sco da scuder sill'a massa indistinguibla avon ses peis.

Cheu slueta ina secunda umbriva tras la streglia, ed il griu che suonda, ei in griu da Culan. Zanua veva l'ustonza ina ruosna – in plal che era marschs – in crap ord siu esser ed il ratg digl animal curdau veva mussau la via al suandont.

1.	2.
3.	4.
5.	6.
7.	8
9.	10.

10. Pensum: *dictat da largias*

Igl erizun e la talpa

Sentend igl erizun ch'igl unviern _____, roga el la talpa da
_____ albiert ad el en sia tauna, sinaquei ch'el
_____ buca schelar.

La talpa _____ la supplica. Mo strusch ch'igl erizun ei en tauna, serasa el
_____, e la paupra talpa sefurava traso vid las
_____ da siu _____ cussadent.
_____ ussa vesa la talpa con malprudenta ch'ella ei stada e
_____ d'entellir agl erizun da _____ bandunar sia
avdonza, _____ che quella seigi memia stretga
_____ dus dels. Mo _____ erizun ri e di: "A tgi
ch'ei plai _____, quel sa _____. Jeu per mia part
sun fetg _____ e stun cheu."

Igl erizun e la talpa

Sentend igl erizun ch'igl unviern **s'approximava**, roga el la talpa da **dar** albiert ad el en sia tauna, sinaquei ch'el **stoppi** buca schelar.

La talpa **ademplescha** la supplica. Mo strusch ch'igl erizun ei en tauna, serasa el **cumadeivlamein**, e la paupra talpa sefurava traso vid las **spinas** da siu **malemperneivel** cussadent. **Per** ussa vesa la talpa con malprudenta ch'ella ei stada e **dat** d'entellir agl erizun da **immediatamein** bandunar sia avdonza, **pertgei** che quella seigi memia stretga **per** dus dels. Mo **gl'** erizun ri e di: "A tgi ch'ei plai **buca**, quel sa **ir**. Jeu per mia part sun fetg **cuntents** e stun cheu."

**11. Pensum:** *dictat da largias*

Il luf ed il tgaun

In luf _____ entaupa inaga in _____ tgaun.
_____ il tgaun co il luf admira siu peil neidi, di el: "Ti
_____ esser aschi neidis e bials sco jeu e duvrasses buca
_____. Ti vesse mo da catschar ils _____,
_____ la famiglia, suandar tiu patrun _____ per
_____. Lu _____ ti il meglier
_____. "Quei _____ jeu
_____ bugen", rispunda il luf. Cheu vesa el denton las vid il
culiez dil tgaun e damonda: " Tgei ei quei?" "Oh, nuot pli bia" rispunda il tgaun. Quei ei mo il liug, nua ch'il
cularin _____, cura che jeu sun ligiaus _____. La
cadeina!" "Cu ti eis ligiaus vid la cadeina!" _____ Il luf tut
_____. "Quei ei nuot per mei. Jeu stoi ver mia libertad."
_____ el cuora _____ uaul.

Il luf ed il tgaun

In luf ***sburitschii*** entaupa inaga in ***grass*** tgaun. ***Vesend*** il tgaun co il luf admira siu peil neidi, di el: " Ti
savesses esser aschi neidis e bials sco jeu e duvrasses buca ***vagabundar***. Ti vesse mo da catschar ils
rugadurs, ***flattar*** la famiglia, suandar tiu patrun ***pass*** per ***pass***. Lu ***havesses*** ti il meglier ***pavel***. "Quei
fagess jeu detg ***bugen***", rispunda il luf. Cheu vesa el denton las ***uridas*** vid il culiez dil tgaun e damonda:
" Tgei ei quei?" "Oh, nuot pli bia", rispunda il tgaun. Quei ei mo il liug, nua ch'il cularin ***sgurtigia***, cura che
jeu sun ligiaus ***vid*** la cadeina!" "Cu ti eis ligiaus vid la cadeina!" ***excloma*** Il luf tut ***indignaus***. "Quei ei
nuot per mei. Jeu stoi ver mia libertad." ***Ed*** el cuora ***egl*** uaul.

12. Pensum: *Cu ni qu? Decida e colurescha il plaid ch'ei secrets corrects!*

quintin	cuintin
cutrin	quatrín
qusseida	cusseida
quotidiann	cuotidian
cuintar	quintar
cuatier	quatier
quadrat	cuadrat
cuagl	quagl
quescher	cuescher
cuitanza	quittanza
Cuera	Quera
qua	cua
quel	cuel
cuantidad	quantidad
cuar	quar
cual	qual
quacra	cuacra
cuasera	quasera
cuaterfegl	quaterfegl
cuadragena	cuadragena
quadratura	quadratura
cuarz	quarz
quidus	cuidus
raquenta	racuenta
nus encurin	nus enquarin

13. Pensum: *La preda*

Quei text cuntegn 20 sbagls. Suttastreha els cun tgietschen e curregia ils plaids! **Noda denton buca dappi che 20 sbagls**, schiglioc piardas ti puncts ! Forsa ha ei era construcziuns senza sbagls!

1. Tochen la fin da novenber veva quell'aura cuzau.
2. Lu, per l'entschata dezember fuva il drag dil glatscher levaus.
3. Sur notg haveva el enpleniu la val cun siu flat freid.
4. La tiara, sbluccada sc'in ies, fuva schelada.
5. Ei era il di avon la naschientscha dil segner.
6. Gl'emprem fuva ella curida, perquei ch'ei fageva prescha.
7. Cheu ha zatgei entschiet a barschar giufuns en siu intern.
8. Suenter in'urialla ei il mal denton puspei turnaus.
9. Quella gada ha in fiug tgaffau magun, beglia, dir e lom.
10. Las conbas han entschiet a trenblar.
11. Era quei ei stau ina belezia fiasta .
12. Per il sabi vegliuort fuss il viadi staus memia liungs.
13. L'umbriva dils pegns veva lagutiu siu tgierp talmein ch'el era ners sco la notg.
14. Encunter la damaun vevan els priu cumiau in da l'auter.
15. Il tais tila il nas e s'venescha da tauna en.
16. L'uolp ei magari memia marscha da cavar siu staub.
17. Als tais ch'ein fetg schubers animals dischplai il tartignem dall'uolp.
18. Insuma, carezada vegneva l'uolp da negins animals digl Uaul Grond.
19. Sulet ina preit satella da tratsch e sablun sparteva lur combras.
20. Avon la tauna dall'uolp uardava igl ies dil cadaver ord la neiv.

1.	6.	11.	16.
2.	7.	12.	17.
3.	8.	13.	18.
4.	9.	14.	19.
5.	10.	15.	20.

Pemsum 14 *Tgei ch'il camutsch raquenta*

Quei text cuntegn 20 sbagls. Suttastreha els cun tgietschen e curregia ils plaids! Noda denton buca dapli che 20 sbagls, schiglioc piardas ti puncs ! Forsa ha ei era construcziuns senza sbagls!

1. "Vus tartgeis che jeu gaudi si cheu en la muntogna mo bials dis".
2. En tuttas auras stoi jeu star cun mes cunpogns enzanua sut in pegn.
3. Suffel e lavinas squan la neiv da beinenqual bleissa.
4. Tut auter eis ei denton la primavera e la stat.
5. Il vestgiu stgir d'unviern mettel jeu dina vard e tilel en in tgietschen.
6. Con deliciusa ei la iarva alpina, con frestga la fontauna dils autls.
7. Tut fui sco il vent tras greppa e sur cavorgias en in liug segir.
8. Ella havess cueidas dad in da nos anseuls.
9. Ugeigiond ella tuttina neuagiu, havein nus dau schlaffadas.
10. Tuttenina schul'enzatgei cun in schnuezi sgarscheivel tras l'aria.
11. Senper essan nus en prigel.
12. Per ventira cuoza quei buca ditg.
13. Schioc stuessan nus tuts a frusta, tgi dall'anguoscha e tgi dils culps.
14. Cheu schula ina muntanialla, lu in'autra.
15. Per ventira havein nus in bien e spess vestgiu che tegn cauld.
16. Biars dils noss han schau la veta en quellas.
17. Lur mummas muossan ad els da siglir d'in grep a l'auter.
18. Allura brattass jeu veta cun negin.
19. In da nus fa guardia osum in grep ni in con.
20. Ils giuvens termaglan e sezaclinan.

1.	6.	11.	16.
2.	7.	12.	17.
3.	8.	13.	18.
4.	9.	14.	19.
5.	10.	15.	20.

Pensum 15: *Paul Luziet*

Quei text cuntegn 20 sbagls. Suttastreha els cun tgietschen e curregia ils plaids! Noda denton buca dapli che 20 sbagls, schiglioc piardas ti puncs ! Forsa ha ei era construcziuns senza sbagls!

1. Si'ocupaciun principala fuva denton la fabricaziun da scuas e scuettas.
2. Siu casetgel consisteva suletamein ord stiva e cuschina.
3. En in giena suonda ina frida mortala cun sia toppa dretga giu per la totona.
4. E gia leppa el il saung fimond, litgont mintgaton las levzas.
5. Vesend quella barbaria d'ina mazzacrada sun jeu fugius a casa.
6. Ei veva dau ina féffa neiv, ina bischetta, e nossas cauras eran buca vegnidas.
7. Sia cumparsa era fatscha da bargi dil rir.
8. Sias cauras fuvan la primavera magras sco petga lenns.
9. Paul Luziet teneva adina in purschi ch'el mazzava entuorn buania.
10. El drova nuota passar sco sin ovs per vegnir tut discus da zuler en.
11. Udend la sozietad quels bierls en pegna, bunamein snareschan ils biars.
12. Denton eis ei sluppau ora a Trun, tgi che hagi fatg quellas marletgas.
13. El pren siu fasch si dies e si sur la pund Zignau neuaden tras Trun.
14. El lagegia precautamein da finiastra viaden ed observa il Pieder da Puzzastg.
15. Il Pieder fuva in carstgaun fetg squidus, pir ch'igl ordinari.
16. El anfla per indicau da cuvierer siu tgaublut culla capuzza.
17. Cun sia harmonia sut bratsch tuorna Paul Luziet a Caglinatscha.
18. Lez sa buca far auter che crer vid la s'entupada cun in fumegl dil giavel.
19. Ei veva dau en freid, leu ils emprems dis da dezember.
20. La fumitgasa tegn enta maun cazetta e paluta per turschar il saung.

1.	6.	11.	16.
2.	7.	12.	17.
3.	8.	13.	18.
4.	9.	14.	19.
5.	10.	15.	20.

Pensum 16: *La tschuetta medeghescha in camutsch*

Quei text cuntegn 20 sbagls. Suttastreha els cun tgietschen e curregia ils plaids! Noda buca dapli che 20 correcturas, schiglioc piardas ti puncs. Forsa ha ei era construcziuns senza sbagls!

1. Mo l'uolp senteva buca la plievgia e mava di e notg a fuffergniond.
2. La brentina era tschessada e mintgaton penetrava il sulegl la tschagera.
3. "Gie, sche daco encurris vus igl Uaul Grond ?"
4. La greffla era unflada e tut en in saung encugliau.
5. Gie encualin pudeva insuma buca ferdar l'uolp.
6. Mo da quei sempudeva ella nuotzun.
7. La uolp ha immediat compassiun cun il pauperet.
8. Suenter quels plaits trai l'uolp la cua suten ed ei schvanida sc'in cametg.
9. Il tgaper peggia ina detga tema cura ch'el vesa l'uolp.
10. " Fai buca befas, ti striun", lai il melen siglir immediat la chicra... ! "
11. In pign mument ha il tgaper aunc fatg il tgau mogn.
12. " Tgei eis ei pomai suczediu che ti fas aschi da stuorn ?"
13. Lu raquenta el tut quei ch'el saveva dils camutschs entras l'uolp.
14. Sinaquei pren ella ord ina ruosna ella preid enzacons feglis secs da iarvas.
15. Cura che la tschuetta arriva finalmein ein tuts leds.
16. Cun ina reverenza rispunda quella il salit da ses cungogns.
17. Quella sto il camutsch pign laguotter igl emprem.



1.	6.	11.	16.
2.	7.	12.	17.
3.	8.	13.	18.
4.	9.	14.	19.
5.	10.	15.	20.

Pensum 17: *Cun ni senza i!*

malegiar: Damaun _____ jeu enzatgei per tei! Nus
_____ mintgamai venderdis suentermiezdi.

pigliar: La polizia ha _____ il cugliun denter Cuera e Sargans. Ti
_____ buca gronda tema!

sfegliar: Suenter gentar _____ il tat ella gasetta. Vus stueis
_____ empau per anflar in text adattau!

leger: Il pli bugen _____ jeu cudischs d'aventuras.

curreger: Il scolast _____ il dictat. Nus
_____ nos pensums da casa.

cuglienar: Nus _____ magari nossa mumma.
Buca _____ tiu frar pign!

gartegiar: Vus _____ la noda. Jeu hai aunc mai
_____ in da diesch.

baghegiar: Forsa _____ jeu gl'onn proxim mia casa.
Vus _____ en in bellezia liug.

magliar: Els _____ bugen in meil da pausa.
Jeu _____ bugen verduras.

Pensum 18: *La tschuetta medeghescha il tais*

Tschenta ils segns d'interpuncziun!

1. He stgirat, eis ti cloma il tais
2. Gie dunna tais jeu sun rispunda il stgirat
3. Savesses ti gidar mei damonda il tais
4. Fetg bugen rispunda il stgirat
5. Sche fai po schi bien e cloma il tgaper mellen di la dunna
6. Tgei parler ei cheu fa il tgaper
7. Ti tgaper fa il stgirat sigliend neutier ti stos sguilar immediat tier la tschuetta
8. Per treis uras sgolet jeu negliu fa il tgaper permalaus
9. He tgaper cloma il stgirat fai tuttina buc aschi tup
10. Ussa cala da schar siglir la chicra calma il stgirat il schani seigies buca adina aschi sensibels
11. Mei negin che capescha negin che ha bugen rispunda il stgirat
12. Sche mo ella sa medegar il pauper tais di la tscharva schiglioc eis el piars.



Pensum 19: *La tschuetta medeghescha il camutsch!*

Tschenta ils segns d'interpuncziun!

1. Mo buca memia datier tratga l'uolp e seferma in tschancun naven dil pégn
2. Buca tema uolp di ussa il camutsch che haveva alzau il tgau
3. Na dat ussa il camutsch denteren nus encurin igl Uaul grond
4. Aha tratga l'uolp cheu ha ei num esser precauta
5. Jeu sai gidar vus fa l'uolp suenter in mument e vegn neutier
6. Spitgei cheu e buca bandunei quei liug camonda ussa l'uolp jeu mon ad encurir il tgaper mellen
7. Na na mo buca tgapers ni ners ni mellens cloma il menader dils camutschs tut alteraus nuslein la tschuetta
8. Matei che la tschuetta vegn ri l'uolp il tgaper ei nies currier
9. Bien di tgaper miu bi jeu hai disturbau tes dultschs siemis fa l'uolp da quei lom
10. Lein schar quei sepiclem dat l'uolp denteren ti stos gidar mei
11. Schia era aunc quei sevila il tgaper
12. Cala ussa dad esser aschi permalaus quei survetsch fas ti buca a mi quietescha l'uolp il schani
13. Cheugiu egl uaul schai in camutsch blessaus che drova immediat igl agid dalla tschuetta rauenta l'uolp

